



O Le Vala’au i le Talimalō Lelei

E i ai se fa’ailoga ta’uta’ua mai le seneturi sefululima a le ali’i e igoa iā Andrei Rubley ua ta’ua o le *Talimalō lelei a Aperamo ma Sara ua fa’apea fo’i ona iloaina o le fa’ailoga a le Tasitolu. O le fa’ailoga ua aumai lona fa’aosofiaga e lē o le telosia a le Tasitolu ae mai le tala fa’atusi pa’ia mai le Kenese 18 ina ua asiasi atu ni ali’i e to’atolu iā Aperamo ma na tali leleia i latou ma avatu i ai le fa’aaloalo. “Ua fa’aali mai le Ali’i iā te ia i aluna o Mamere, a o nofo o ia i le faitoto’a o lona fale ‘ie i le aoauli. Ua tepa a’e fo’i o ia ma iloa atu, fa’auta fo’i, o lo’o tutū mai iā te ia tagata e to’atolu; ua ia iloa atu, ona momo’e atu ai lea nai le faitoto’a o lona fale ‘ie e fa’afetaia’i iā te i latou, ona ifo to’ele lea o ia. Ua fa’apea atu fo’i o ia. “Le Ali’i e, afai ua alofaina mai nei a’u e ‘oe, ‘aue ne’i e maliu loa iā te a’u lau ‘au’auna” (Kenese 18: 1 – 3). O Aperamo ma Sara ua folafolaina atu i ai le mealofa o se tamaititi ina ua la tali leleia ma le fa’amautinoaga, “E i ai ‘ea se mea e faigatā i le Ali’i?” O le fa’ailoga ua fa’aalia mai ni tagata e e to’atolu, ua fa’aalia o ni agelu. Ona o nei agelu e leai se ‘ese’ese o lenei fa’ailoga ua va’aia o se ituaiga po o se fa’ailoga o le Tasitolu. Ina ua va’aia lenei fa’ailoga o le Tasitolu, o le mata’itū ua gaiioi mai le talimalō lelei a Aperamo ma Sara aga’i atu i le au asiasi, aga’i atu i le fa’amaopo maia o le talimalō lelei na ofoina mai e le Atua Tasitolu i le foafoaga.*

O le feiloa’iga sa faia e Iesu ma le fafine i le vai’eli i le mataupu 4 a le evagelia a loane o lo’o fa’ailoa mai ai taunu’uga lelei o le talimalō lelei i se tagata ‘ese, ma mo le fafine Samaria o se mealofa o le ‘vai ola’. O Sagato Paulo, i le fa’atugaina o uiga lelei ma faiga masani mo le ola ai Kerisiano ua fa’ailoaina mai ai le tali malō lelei e ogatotonu ma taūa: ‘Ia tufatufa atu ni a outou mea i le mativa o le ‘au pa’ia; ‘ia tausisi i le alofa i tagata ‘ese’ (Roma 12: 13). O lenei lava faiga ua fa’amalosi’auina e lē na tusia le tusi muamua a Peteru ina ua tautala i mea e tatau ona faia e Kerisiano, ‘Ia muamua i mea uma ona maua e outou o le alofa naunau o le tasi i le isi, auā o le alofa e ufiufi ai agasala e tele. Ia outou talia a outou ma le lē muimui (1 Peteru 4: 8 – 9).

O lē na tusia le Tusi a Eperu na fa’ai’u i se fa’amalosi’au i le au faitau ina ia ola ni olaga ua ulufia e le alofa ma fa’aali le tali malō lelei i tagata ‘ese. “Ia tumau le fealofani o le au uso. ‘Aua le galo le alofa i tagata ‘ese auā o lea ua talia ai e isi o agelu ma le lē iloa” (Eperu 13: 1 – 2).

O le alagatatau o le fa’atinoina o le tali malō lelei e mafai ona sa’ili i tua atu i tu masani Kerisiano. O Penitio o Nursia, mo se fa’ata’ita’iga, i lana Tulafono sa tusia ai pe fa’apefea i ni malō ona talia e monike, ‘Ia talia malō uma ua taunu’u e pei o Keriso’. Ina ua fa’avae le gaiioiga a Tagata Katoliko i le 1930 sa latou ‘fa’avaeina ni fale talimalō’ e maua i ai mea’ai, fa’apaologa, ma lavalava mo i latou ua i ai le mana’omia. Na fa’avaeina e loane Vanier le ‘fa’apotopotoga’ o le L’Arche ina ua suia lona olaga i le tali malō lelei ina ua ia fesoasaoni atu i ni tagata matutua e to’alua e lē atoatoa le malosi. O nei lagona o lo’o atagia mai i Tusitusiga a le Vatikano *Erga migrates Christ*, “O le Alofa a Keriso i tagata malaga’, ua fa’aalia ai le mana’omia a faigamalaga fa’aonapo nei, i se tagata mai nu’u ‘ese o se Kerisiano ua va’aia e lē na o se tuā’oi, ae o foliga o Keriso lava ia, o lē sa fanau mai le fale manu ma sola atu i Aikupito, le nofoaga na avea ai o ia ma tagata mai nu’u ‘ese, ua toe fa’amatala ai ma toe faia ai i lona lava ia olaga le poto masani fa’avae o ona tagata.

O le tali malō lelei i tagata mai nu’u ‘ese ma latou ua i ai le mana’omia o lo’o tusia i le tele o aganu’u ma Tulafono i aganu’u ma amioga lelei. E mafai ona va’aia o lo’o fa’avae i le mana’omia, ma i le manatu o lē ua ofoina mai le tali leleia atonu o lo’o ia mana’omiaina fo’i lea i le lumana’i. O se tali leleia fa’apenei e masani e tatau ona vi’ia ma o se vaega taūa o le fai fa’asosaiete. O mea ua fa’ailoga mai ai le Talimalō Kerisiano – o le tagata ua ofoina atu i ai le taliaina lelei e lē ua na o se tagata ua i ai le mana’omia, e pei o so’o se ‘isi’ lava ae o Keriso lava ia. Ma i le maitauina o Keriso o se malō fa’aaloaloga, o le Kerisiano ua maitauina e lē o le avatua o le talimalō lelei, ae o le taliaina. Manuia lenei masina i le savaliga a le tatou Kapelanisia.

Sagato Basil le Fa'apa'iaina (Aukuso 2)

O le Vale Pa'ia (maliu 1552)

“Afai ua iā te outou se tasi o manatu e poto ia i lenei lalolagi, ia avea ia ma vale.” - Korinito 3: 18

A o va'aia le tele o sagato ma sagata e 'ese mai ona uiga mai ana tupulaga, o le tumasani o “vale pa'ia” e lē o se masani pe fa'aaloogia e pei o le ekalesia Orthodox Lusia. I lenei tu masani o le Vale mo Keriso o se ituaiga ua fa'avaeina lelei. O nei tagata valevalenoa ua va'aia tele, e masani ona itiiti ni lavalava pe leai fo'i ni lavalava, ua faia ni puni mata o le valea. O le a latou vala'auina tauemuga ma le inosia fa'atasi ma a latou amioga uiga 'ese. Ae i lona lautelega o a latou amioga ua ta'u maia se fa'aosofiaga mamana atonu e aogā ai fo'i ma le fa'aaloalo ma le fa'aeteete. E pei o le “Vale” i tusitusiga a Shakespeare, o a latou tulaga fa'atauva'a na latou mauaina ai le fa'aeaea o le tautala i le moni fa'anoanoa. E pei o perofeta Eperu, i nisi o taimi ua talanoa mai i le fa'aogaina o tala mālie, o olaga ale au Valea Pa'ia e masani ona aumaia se fa'amasino fa'aperofeta o a latou taimi – o se fa'aaliga o le tutū fa'atasi ma latou ua mafatia ma o se lu'itau i le au mau'oa ma le malolosi ina ia fa'aeteete i le ma'elegā ale Atua.

Se tasi ua ta'uta'ua ma le fa'aaloogia lautele o nei Vale o le Muscovite (Tagatānu'u a - Moscow) Basil le Fa'apa'iaina, ua fa'aigoaina ai le malumalu i Red Square. Sa masani ona fealua'i telenoa i auala a Moscow, pe o le 'aisā po o le mugalā, tatalo e pei o la e i totonu o le falesā ma avea ma moli-mau, i gaioiga loto tele, i le agaga o Keriso. O le mea lea, e masani ona ia avea ni oloa mai faleoloa e tufatufa atu i le au matitiva ua leai ni aiga. Sa ia masani ona fetogi ma'a i fale o tagata ua fa'aaliali a latou amio atua, ae o lo'o to'otuli e kisi le auala i luma o fale ale au lē ta'uleleia. “O tevolo ua si'osi'omia i latou,” o le a ia fai mai ai iā i latou ua tuana'i atu, a o latou nei ua fa'apea mai, “o agelu ua fetagisi mo latou.”

E lē fa'ate'ia, o le tele o tupulaga a Basil na fiafia e avatu iā te ia se avanoa e malōlō ai. Ae sa ia fiafia i le avanoa e lē fa'alavelavea mo le ta'ita'i o Ivan le Fa'aletonu. Fa'atasi i le taimi o le fagafulu, o se taimi ina ua manatu o Kerisiano uma e fa'amamalu le faiga'ai ua na o fuala'au, na avatu e Basil ia Ivan se fasi 'a'ano mata o se manu. Ina ua fa'ataute'e le tsar na te lē 'aia ni manu fasi i le Fagafulu, na tali atu Basil, “Aiseā la e te inuina ai le toto o tagata?” E itiiti lava tagata e mafai ona tautala ma le loto tele i le Ivan lē alofa ma le sauā. Ae sa fefe tele le tsar i lenei ali'i mativa pa'ia sa ia fa'atonuina ai ina ia 'aua ne'i fa'ao'oina se leaga iā te ia.

Ina ua maliu Basil i le 1552, na tanuina o ia ma le fa'aaloaloga maualuga i autafa o le malumalu i le ogatotonu o Moscow. O lenei malumalu sa mua'i fa'apa'iaina i le Tinā o le Atua, i le fa'afetai mo le manumalō a Lusia i le au Tartars. O se fa'ailoga o le maualuga na olioli ai Basil ma ona uso mai Moscow ua lauiloa lelei ai le malumalu o le nofoaga o lona tu'ugamau. Fa'atasi ai ma le fa'apa'iaina e le ekalesia a Lusia i le 1580 o le igoa a le malumalu ua aloa'iaina: na avea ma Sagato Basil, ma o lo'o tumau ai pea i aso nei.

O Le Si'iaga ole Taupou Pa'ia o Maria i le Lagi – aso 15 Aukuso



O le si'itiaga o Maria i le lagi o le aso sulufaga ua sili le matua a lo tatou Tinā, ae ua tatou leiloaina pe na fa'apefea ona amata lona fa'amanatuina. O lona amataga ua leiloa atu inā aso ina ua toe fa'afo'ia maia Ierusalem o se 'a'ai pa'ia, le taimi o pulega ale tupu a Roma o Aukusitino (c. 285 – 337). I le taimi o se 'a'ai a ni tagata fa'apaupau mo seneturi e lua, talu mai le taimi ale tupu o Hadrian (76 – 138) ua talepe i lalo i le vaitaimi o le tausaga 135 ma toe fausia ai o <Aelia Capitolina> i le fa'amamaluina o Iupita.

Mo le 200 tausaga, o fa'amanatuga uma a Iesu na 'ave'eseina mai le 'a'ai ma o

O Le Si'iaiga ole Taupou Pa'ia o Maria i le Lagi – aso 15 Aukuso

nofoaga sa faia ia pa'ia e lona soifuaga, maliu ma le Toetū na avea ma malumalu ale 'au fa'apaupau. I le uma ai ona fausia le Malumalu o le Tu'ugamau Pa'ia i le 336, o le nofoaga pa'ia ua amata ona toe fa'afouina ma manatuga o le soifuaga a lo Tatou Ali'i ua amata ona fa'amanatuina e tagata a Ierusalem. Se tasi o fa'amanatuga e uiga i lona tinā ua fa'a'autū i le "Tu'ugamau a Maria," latalata i le Mauga o Siona, le nofoaga sa aumau ai ulua'i Kerisiano. I luga o le mauga lava sa i ai se nofoaga o le "Nofoaga o le Moe", le nofoaga na "moe ai Maria" le mea na ia maliu ai. O le "Tu'ugamau a Maria" o le nofoaga sa tanu ai o ia.

I le taimi lenei, o le Fa'amanatuina o Maria" sa patipatia. Mulimuli ane na avea ma a tatou sulufaga ole Si'itiaga i le Lagi. Mo se taimi, o le "Fa'amanatuina o Maria" sa fa'ailogaina ua na o Palesitina, ae o lenei ua fa'auau atu e le tupu i falesā uma a Sasa'e. I le seneturi e fitu, na amata ona fa'amanatuina i Roma i lalo o le fa'auluuluga o le "Moe Malologa" (Dormitio) a le Tinā o le Atua.

Na mulimuli ane na suia le igoa i le "Si'itiaga o Maria," ona e sili atu le uiga o lenei aso fa'amanatu i lo lona maliu. ua folafolaina fo'i ua si'itia o ia i le lagi, tino ma le agaga, i le lagi. O lenā talitonuga o se mea mai taimi ua tuana'i, mai aso o aposetolo lava latou. O le mea ua manino mai le amataga sa leai ni toega a Maria e fa'aaloaloina, ma o lenā tu'ugamau ua leai se isi o lo'o i le fa'atausi'usi'u o Ierusalem e lata i le nofoaga sa maliu ai. O lenā nofoaga na mulimuli ane ua avea ma nofoaga o faigā malagasā.

I taimi o le Fonotaga a Chalcedon i le 451, ina ua potopoto uma mai epikopo mai le lalolagi o Metitirani i le 'a'ai o Constantinople, o le Tupu o Marcian na talosaga atu i le Pateliaka a Ierusalem ina ia aumai ni toega a Maria i Constantinople ina ia avea ma fa'amanatuga i le 'a'ai. O le pateliaka na fa'amatalaina i le tupu e leai ni toega a Maria i Ierusalem, o "Maria na maliu a o i ai le au aposetolo; ae o lona tu'ugamau, ina ua tatalaina... sa maua e leai se isi ma sa faia le fa'ai'uga a aposetolo o le tino na ave a'e i le lagi.

4

I le seneturi valu, o Sagato Ioane Damascene sa lauiloaina mo le faia o lauga i nofoaga pa'ia i Ierusalem. I le Tu'ugamau a Maria, sa ia fa'aalia ai le talitonuga a le Ekalesia i le uiga o le sulufaga: E ui o le tino sa tanuina lelei, e le'i tumau i le tulaga o le maliu, e fa'apea fo'i e le'i pala i le 'ele'ele... Na si'itia atu 'Oe i lou aiga i le lagi, Tama'ita'i e, Masiofo ma le Tinā o le Atua i le moni."

O sulufaga uma a Maria ua fa'ailoga ai misitelio tetele o lona olaga ma ana vaega i le galuega o le fa'aolataga. O le misitelio ogatotonu o lona olaga ma le tagata o lona tulaga fa'atinā mamana, patipatia i le Kilisimasi ma le vaiaso e mulimuli mai ai (Ianuari 1) i le sulufaga o Maria Paia, le Tinā o le Atua. O le Ma'itaga Imakulata (Tesema 8) ua fa'ailoga ai le avea ma tinā, ina ia mauaina le kalasia atoatoa mai le ulua'i taimi o lona soifuaaga, e le'i pa'i i ai le agasala. O lona soifuaga atoa na tigaina i le olaga mamana mai le amataga, saunia o ia mo le matafaioi fa'aeaina o le tinā o le Fa'aola.

O le Si'itiaga ua atoatoa ai le galuega ale Atua iā Maria talu ai e lē talafeagai o le tino na avatua le ola i le Atua lava ia e lē tataua ona uia ni amioga leaga. O le Afio A'e o le fa'apaleina e le Atua o ana galuega a o fa'ai'u e Maria lona olaga fa'alalolagi nei ma ulufale atu i le fa'avavau. O le sulufaga ua liliu atu ai o tatou mata i lenā itū, le nofoaga o le a tatou mulimuli atu i ai pe a uma o tatou olaga fa'alalolagi nei.

O sulufaga a le Ekalesia e lē na ona fa'amamaluina o mea na tutupu i aso anammua; ua latou va'ai e lē na o taimi ua tuana'i. Ua latou va'ava'ai i le taimi nei ma le lumana'i ma aumaia iā i tatou se va'aiga i la tatou va feagai ai ma le Atua. O le Si'itiaga ua va'ai i le fa'avavau ma aumaia iā i tatou le fa'amoemoe o tatou fo'i o le a mulimuli atu i lo Tatou Tinā pe a i'u o tatou olaga.

O le tatalo mo le sulufaga ua faitāuina fa'apea: "Le Atua mamana e, Lē e soifua e fa'avavau: Ua e fa'asi'itia le Taupo o Maria e leai se agasala, le tinā a lou Alo, tino ma le agaga, i le mamalu o le lagi. Ia matou va'aia le lagi o so matou taunu'uga mulimuli ma o atu e fa'asoa lona mamalu."

I le 1950, i le Fa'avae Fa'aaposetolo <Munificentissimus Deus>, o Pope Pio XII na folafolaina o le Si'itiaga o Maria i le Lagi o se talitonuga a le Ekalesia Katoliko i nei upu: "O le Tinā o le Atua Imakulata, le Taupou o Maria, i le mae'a ai o lona olaga fa'alalolagi nei, na si'itia, tino ma le agaga i le lagi."

lataga ina ua si'itia o ia tino ma le agaga i le lagi ma tausia lenei malamalama ina ia tu'uina atu i le au fa'atuatua.

“Sena e, ua tele lou fa'atuatua”

O le uiga a le fafine ua fa'aalia mai ai o ia o se tagata tulaga'ese moni. Na fa'alua ona te'ea e le Ali'i mamana lana tatalo; ma o le taimi lona lua, sa ia fa'atusa ai o ia i se maile! Atonu sa manatu le au Aposetolo e tula'i i ona vae, faia se tali ma le ita, ma savali 'ese ma le fa'ali'i. Na te le'i faia lava fa'apenei. Sa tumau pea lava i ona tulivae ma tali atu ma le fa'aaloalo tele...

I le feagai atu ma ni alofa'aga ma le fa'atuatua fa'apenei, i le loto maualalo ma le onosa'i, o lo tatou Ali'i ua fa'ata'atia i autafa lona musua masalomia ma ala atu ma le maofa: *Funa e, ua tele lou fa'atuatua!*

O Tamā o le Ekalesia ua ioeina, i le fa'amatalaina o lenei mea na tupu, o Keriso na gaiou ma tautala i le ala na ia faia ai ina ia tatala mai ma ina ia va'aia vituti uiga 'ese a lenei fafine fa'apaupau. I le faia o lea, o lo tatou Ali'i ua aumaia iā i tatou se fa'ata'ita'iga mata'ina ma le malos i se faiga e tataua ona tatou tatalo ai ma fa'apea le malos tele o le paoa o tatalo...

Ia tatou, o le mea lea, ave'ese atu ni masalosologa mai iā i tatou e uiga i le malos o tatalo. O le moni e fa'avavau e lē pepelo; ma o le Moni e Fa'avavau ua fai mai: *'Ai se ole atu, e maua e ia.* “O ia sa fa'aolaina 'oe,” sa a'oa'oina mai ai Sagato Ioane Chrysostorm, “o le a faia 'oe ina ia e tumau pea i au tatalo; o le a ia faia 'oe ina ia e talosaga ma talia mea ua naunau lona agalelei e vavae atu. Olioli la ona ua e taliaina lenei fa'amalosi'auina o le Ali'i lava ia ua avatu iā te 'oe.” O nei a'oa'oga a Sagato Ioane Chrysostom ua fa'amausalina e Sagato Aukusitino, o lē na folafolaina mai: O le Atua e lē fa'alototeleina 'oe e tatalo pe afai e lē naunau o ia e avatu.”

Ia tatou avea a tatou fa'ata'ita'iga mai lenā fafine mao'e. O se fa'ata'ita'iga ua ia aumaia iā i tatou pe fa'apefea ona tatalo! O lona māta'itū ma le fa'anaunauga e lē mafai ona pasia; o lona fa'atuatua ma le mafanafana i le agalelei ma le alofa ale Atua e lē fa'avaivai lava mo sina taimi. O lona loto maualalo e lē mafai ona fa'avevesiina e ui na fa'atusa i se maile! I le feagai atu ma le tele o le loto vaivai mai Aposetolo a Keriso, leai, e foliga mai ua te'enaina e le Alo o le Atua lava ia, o lenei fafine e lē mafa'atusalia sa tutumau i ana tatalo. O 'oe le fafine, ua anoanoa'i tele lona fa'atuatua!

Aiseā i Faitoto'a a Seoli e lē Manumalō Ai

O se fale ua fa'apea ua mautū lelei ona faia pe a lelei lona fa'avae. O lenei o le fa'avae autū a le Ekalesia o Keriso: *Mo le fa'avae, e lē mafaia e se tasi ona tu'u se isi fa'avae i lē ua uma ona tu'uina, o Iesu Keriso lea* (1 Korinito 3: 11). O le au Aposetolo ma a latou a'oa'oga o fa'avae lona lua ia a le Ekalesia, na maua mai ai lana mautū. Ua fa'amatalaina lenei mea ua fa'apea mai ai o le 'a'ai ua i ai i le pa fo'i o le *'a'ai o fa'avae e sefulu ma le lua, ua i ai fo'i igoa o le au aposetolo ale Tama'i Mamoe e to'asefulu ma le to'alua* (Fa'aaliga 21: 14). O le mea lea ua ta'ua ai le Ekalesia *aposetoliko*. E lē gata i lea, ina ia fa'ailoa le mautū o le Ekalesia na fa'ailoaina ai Sagato Pateru o le *Fa'auhuuluga* o le Ekalesia.

O se fale fo'i ua fa'amaonia e fausia pe afai, pe o le a lava le umi e faia ai, e tumau pea lona tulaga. Ma ua fa'amaonia lava e le Ekalesia lona lē fa'aleagaina. O ona tagata sauā na lē mafai ona latou fa'aleagaina o ia. O taimi o sauaga sa tuputupu tele ai le Ekalesia ma o latou sa sauaina e le'i ausia a latou taumafaiga.

O le Ekalesia a Peteru na ola i le fa'atuatua ma na noatia mai fa'aletonu. Ma e lē mana'omia fo'i ona tatou manatu i lea, ona o le Ali'i sa fai atu iā Peteru, *ou te tatalo mo 'oe, Simona, ina ia 'aua ne'i vaivai lou fa'atuatua* (Luka 22: 32).

13 Iulai

O le aso 13 Iulai, o le Pule'aga Fa'aakiepipoko a Ueligitone e ala i le ofisa ale Sui Epikopo, Tala'iga a le Ekalesia ma le 'Au'aunaga Fa'asosaiete sa faia se fa'atasiga a fa'apotopotoga a tagata malaga mai isi ua aumau i Niu Sila nei. O se aso fo'i sa fa'afulale ai fa'apotopotoga nei i le Malumalu a le Finagalo Pa'ia ua toe tatalaina ma fa'aalu sina taimi mo ni mafutaga. O lenei Misasa sa ta'ita'ia e lana Afioga Akiepipoko Paul Martin. A o pesepesega sa ta'ita'ia e le Aulotu mai Titahi Bay. Pe tusa ma le 70 tagata sa 'au ai mai atunu'u 'ese'ese a'afia ai Filipino, Fiti, Zimbabwe, Myanmar, Initia, Tonga, Dutch ma Samoa. O le komisi o le Filemu ma le Komisi o le Si'osi'omaga sa fesoasoani e fa'atanu'uina lenei polokalame.





‘Au’aunaga Fa’alafulemū: o se moni ua tuputupu ma atina’e

Ona o tulaga ua tula’i mai nei i le fa’aitiitia o le au ositaulaga ua i ai nei se va’aiga fa’afouina i le matafaioi a tagatā lotu i fa’apotopotoga a ekalesia fa’alotoifale. Ae ui i lea, ua foliga mai o lo’o i ai ni musuā e va’aia nei o ni ‘au’aunaga. O lenei tusitusiga ua sailia nisi o fa’atosinaga ua fa’atonu-tonu ai o tatou malamalama’aga i le ‘au’aunaga ma sailia le fa’aletulafono mo ‘au’aunaga fa’alafulemū i le lotolotoi o le lē manino i a’oa’oga

Se tasi o fa’aletonu i le fa’aitiitia o ositaulaga o le fa’aילוaina lea i tagatā lotu o le a fa’atinoina sa latou vaega atoatoa i le soifuaga a le Ekalesia. Ua tuputupu tele lava o le ‘au’aunaga fa’alafulemū ua

‘Au’aunaga Fa’alafulemū: o se moni ua tuputupu ma atina’e

fa’amalosi’auina ma fautuaina o se tali tatau ua fa’aleoina manino mai ai a’oa’oga a le Vatikano II. Ae ui i lea, i totonu lava o le Ekalesia Katoliko, o lo’o va’aia lava se musuā e fa’aogā le fa’aupuga ‘au’aunaga’ pe a fa’asino i tagatā lotu, ua manatu e vala’auina o le matafaioi po o se aposetolo, ma se manatu fa’apito e fa’aleoleo le ‘auaunaga’ o se fa’amatalaga o galuega a i latou ua fa’au’uina.

‘Au’aunaga: o se fa’aupuga ua finauina

O nisi o le fa’anenefu o se fa’ai’uga o auala ‘ese’ese o le fa’auigaina o ‘au’aunaga e pei ona alia’i mai i le Feagaiga Fou. O le upu ua fa’aogaina i le Gagana Eleni *diakonia*, e mafai ona fa’auigaina ‘au’aunaga lotu maualalo po le ta’ita’i fa’alafulemū. O latou e malamalama i le *diakonia* i le va’aiga i le ‘au’aunaga lotomaualalo ua va’aia e ‘maualalo ma se alofa tele a se tasi mo ana tuā’oi’, ma o se gai-oiga so o se Eleni lava o le a maitauina vave lava o se fa’amauualoina o le tagata lava ia. O latou ua va’ai i ai o ni tausimea pule ua finau mai i tusitusiga Eleni *diakonia* e lē fa’aalia le ‘au’aunaga lotomaualalo po o le tineia o ‘oe lava ae ua fa’ailoa mai ai se tasi ua gai’oi o se suli mo le pule i luga atu.

O le isi finauga i le uiga o le upu *diakonia* i le Feagaiga Fou ua manatu i le fa’alateleina o le ‘au’aunaga ua fa’asino i ai e lautele pe fa’apitoa. Afai o le ‘au’aunaga o se tasi o na ala e tele o le ‘au’auna atu ua fa’asino i ai e Sagato Paulo (cf. Korinito 12: 4 – 6) ma tupu a’e mai mealofa na talia e le to’atele mai le Agaga Pa’ia (1 Korinito 7.7) ona mafai lea ona finauina o latou uma ua papatisoina ua vala’auina i le ‘au’aunaga. I le isi faiga ua va’aia mealofa ua foa’i fuaina mai e le Agaga ua fa’amalosi’ia ai uma le au papatisoina ina ia ‘au’auna atu i le fa’apotopotoga ae e le’i avea lenei ‘au’aunaga ma sauniga e mana’omia se fa’ailoga e se tagata komisi po o se fa’apotopotoga. Sa finauina o Sagato Paulo na manatu o le avea ma *diakonos* (se tasi ua i ai se ‘au’aunaga) a le Atua e sili atu lona taūa i lo le avea ma Aposetolo.

I le tele o auala o le fesili ua aumai e nei fa’aliliuga e lua ua tumau ma i tatou i nei aso ma ua fa’atosinaina ai a’oa’oga ale Ekalesia. Se tasi o ‘autū i lenei finauga, Ioane Collins, sa faia le fesili pu’upu’u...’o le ‘au’aunaga o se fa’ailoga tagata fa’apapatiso, ma o lea la o se gafatia fa’aletagata a so’o se Kerisiano, po o se galuega tau’ave fa’alafulemū ua na o i latou ua fa’au’uina?

‘Au’aunaga ma sauniga

I le Gagana Enelagi, *diakonis* ua masani ona fa’aliliuina o se ‘au’aunaga po o le faiva. O le ‘ese’esega o fa’auigaga o le faiva ma le ‘au’aunaga (ministry or service), pe a fa’aoga fa’atalatala ua fafagaina ai le finauga. E mafai ona finauina o ‘au’aunaga uma o le faiva ae e lē o faiva uma o le ‘au’aunaga. ‘Aua’unaga (service), mai le Latina *servitium*, o lona tupu’aga o le ‘au’aunaga maualalo, fa’apologaina ma le ‘au’aunaga. I le Gagana Peretania ua fa’aogaina i tala’aga ‘ese’ese. E ave e tagata a latou ta’avale mo le siakiina, ‘au’atu i ni sauniga lotu, ‘au’atu i faiga fa’afitafita mo le ‘au’aunaga i le atunu’u po o le fa’aavanoaina o latou e fesoasaoni atu mo le ‘au’aunaga i se faleoloa. O tagata e galulue ‘i lalo o fasitepu’ i aiga tetele ua fa’apea o lo’o i ni ‘au’aunaga’. E masani o le ‘au’aunaga ua o fa’atasi ma le tapenaina ma ‘au’auna atu i se faiga’ai. O mea aogā e pei o auala i ta’avale mo le feoa’iga, feso’ota’iga, eletise ma vai ua va’aia o ni ‘au’aunaga. O ‘au’aunaga taūa ua manatu mo le fesoasaoni atu po o le faia o galuega mo se isi i lo ‘oe lava.

I lona fa’alateleina, ‘au’aunaga e lē o fa’atasi ma le tele o nei ituaiga o ‘au’aunaga. ‘Au’aunaga ua o fa’atasi ma le faia o mea mo isi ae, e ui lava i lea, o le fesoasaoni masani ua tu’uina atu i se tuā’oi o le a va’aia o se ‘au’aunaga. O le a va’aia o le ‘au’aunaga ua avea ma faiva pe i ai isi tulaga ua fa’ama-lieina.

Liliuina o galuega i ‘au’aunaga

O a nei tulaga? O le fesoasaoni atu na o se taimi e lē ta’ua o se ‘au’aunaga ae o tautinoga e fesoasoani atu e mafai ona ta’ua fa’apea. O se tasi e lē iloaina lelei pe fa’apefea ona tu’uina atu le fesoasaoni fa’apitoa o le faia o ni fa’aletonu ua sili atu i lo le lelei ma o le a va’aia o le fa’atinoina o se ‘au’aunaga pe afai sa a’oa’oina lelei e fa’atinoina galuega ua latou faia. E ui o se tasi sa faia ni a’oa’oga tatau ma le ta’utinoga mo le ofoina atu o le ‘au’aunaga e masalomia o le a va’aia o se ‘au’aunaga e isi vaganā ua latou fa’atinoina mo se tino ua maitauina. ‘Au’aunaga na amata ona va’aia mai ‘au’aunaga masani ua mana’omia ai le ta’utinoga masani, a’oa’oga ma le fa’atagaga.

O le ulufale atu i ‘au’aunaga Kerisiano ua ala atu i le Papatisoga, ua vala’auina ai se tasi i le

'Au'aunaga Fa'alafulemū: o se moni ua tuputupu ma atina'e

fa'aso'oina a Iesu Keriso ma fa'atasi atu i ana misiona fa'atupu, fa'aperofeta ma le fa'aositaulaga. O tagata uma ua o mai i le Ekalesia ma ni mealofa fa'apitoa ma taleni ma ua fuafuaina ina ia fa'aogaina mo le atina'e o le Malō o le Atua. E ala i le papatisoga, o tagata uma ua vala'uina i le 'au'aunaga ae le'i fa'aigoaina lenei sauniga o se 'au'aunaga e mana'omia isi mafua'aga mo ni a'oa'oga, ta'utinoga ma le fa'atagaga. O le i'uga lava, o latou ua talosagaina ina ia avea ma 'Aua'una Tulaga'ese o le Komunio Pa'ia, po le avea male au faitau po 'au'aunaga ua fa'amoe-moeina ina ia faia ni a'oa'oga ma fa'apa'ia ai mo la latou galuega. O isi ua vala'uina ina ia tauavea ni matafaioi fa'aopoopo i totonu o fa'apotopotoga o ni tiakono, ositaulaga ma epikopo. O a latou a'oa'oga ua mae'a ma o la latou fa'aalulufale i la latou 'au'aunaga ua fa'aailoga lea e le fa'au'uga fa'asakalameta.

O le a le 'au'aunaga Kerisiano?

Ua fa'aailoa mai o le tele o le au atamamai ua fa'amatalaina le 'au'aunaga ae to'aitiiti lava ua aumaia lona uiga. O se fa'auigaina ua fa'amatalaina e se tasi ua fa'apea. 'Au'aunaga o se gaoiga faia fa'alaua'itele o sē na mulimuli atu iā Iesu Keriso ua papatisoina na tafe mai le fa'aailoga tagata a le Agaga ma o se peresona e to'atasi ua avea ma suli a le fa'apotopotoga Kerisiano e molimauina, e 'au'auna atu ma iloina le malō ale Atua.

Ua va'aia le 'au'aunaga o se faiga e ola. Ua a'afia ai le faia o se mea, e lē na ona avea ma se tagata. Atonu o nisi o tatou o ni 'Au'auna o le Komunio Pa'ia ae afai tatou te lē tufatufaina le Komunio ua tatou lē fa'atinoina la tatou 'au'aunaga. O le galuega ua faia mo fa'apotopotoga Kerisiano, ae lē o le fa'aleleia atili ai o tatou tulaga ae ona e mana'omia ona faia ma tatou te mafaia ona fai. O se mealofa ua taliaina mai le Agaga Pa'ia e se tasi, ua uma ona fa'apa'iaina fa'asakalameta ale fa'apotopotoga, ma atonu ua uma fo'i ona fa'au'uina. O se 'au'aunaga ua i ai lava lona fa'asinomaga ma muta'aga i ona lautele, ua va'aia ai o ia i totonu o gaoiga 'ese'ese ua va'aia o ni 'au'aunaga. E lē o gaoiga uma o ni faiva. O se va'aiga laua'itele, e lē o se gaoiga e tuma'oti, e ui atonu e fa'autauta. O le gaoiga ua avea ai Keriso ma ona fa'aosofiaga ua faitioina ma ua malamalamaina o lona amataga ona mo le manuia o le malō o le Atua.

10

O le tuputupu a'e o le 'au'aunaga

O le au sili ona fa'atosinaga ma le fa'aosofiaina o fa'apotopotoga ma latou e 'ese'ese a latou fa'atulaga o 'au'aunaga ua tatou mauaina mai le Feagaiga Fou atonu o suiga o ni faiga fa'ata'ita'i i le fa'atuputupuina o le 'au'aunaga i le Ekalesia. Pe i totonu po o fafo atu o le omiga ua mana'omiaina se faiga tutusa tele o se mataupu o taumatematega i le au atamamai. I le seneturi lona tolu o se fa'atulagaga e a'afia ai se epikopo e tasi fa'atasi ai ma se kulupu o faife'au ma tiakono ua avea ma mea masani. O nei tofiga e tolu na i'u ona va'aia o epikopo, ositaulaga ma tiakono ua tatou masani ai nei. Atonu sa fa'apa'iaina i latou i ni auala, atonu i le fa'aloaloina o lima. E ui ua latou fa'atinoina ni matafaioi fa'apitoa i fa'apotopotoga e leai ni molimau ua latou va'ai iā i latou lava ua vavae'eseina mai le to'atele o le au fa'atuatua. Sa leai se 'ese'esega i le va o ositaulaga ma tagatā lotu ona o le fa'aailoga e le'i i ai.

Ituaigasā ma Tagatā Lotu o se 'ese'esega fa'alilililo

O le upu ua fa'aogaina nei e fa'amatala ai tatou faife'au 'clerical' na sau mai le Eleni *Kleros* o lona uiga o le 'vili', e pei ona i le galuega 1: 26 sa filifili ai se sui mo Iuta ma na filifilia ai Matatia ina ua uma le vili. O le upu *Kleros* na mua'i fa'aogaina e fa'aailoa ai se kulupu fa'apitoa o tagata aloa'ia i le Tu Masani Fa'aaposetoliko a Hippolytus, na tusia pe o le CE 215. O se fa'apotopotoga fa'apenei e lē o fa'aailoina mai e le Feagaiga Fou ma i le 1 Peteru 5: 3 o lo'o fa'aogaina le upu *Kleros* ua fa'asinolea i tagata uma lava, latou ua filifilia mo le i'uga o le Malō. O tagatā lotu e lē o se fa'amatalaga o lo'o fa'aogaina i Tusitusiga Pa'ia ae o le upu *Laos*, ma *Laos* o lona uiga o tagata e pei ona i ai 'tagata ale Atua' ua 'ese mai tagata o nu'u 'ese.

'Au'aunaga ua avea ma faiga fa'afaife'au

Na fa'asolosolo mālie lava i tulaga faife'au ua tuputupu le vavae'ese mai ma a latou uso fa'alafulemū. O le tuputupu a'e o faiga fa'amonaseli i taimi o Tausaga Ogototonu na fa'amalosi'auina se talitonuga ua na o se olaga ua vavae'ese mai mea masani ua mafai ona mauaina lea pa'ia moni. I le seneturi 9 o faife'au ua fa'amalosi'auina e fa'aogā se ituaiga o olaga ua tutusa ma faiga a monike. I

'Au'aunaga Fa'alafulemū: o se moni ua tuputupu ma atina'e

monaseri, o le ta'ita'i ua i ai lana pule taūa ma o lenei, fa'atasi ai ma le faiga o le avatu o 'ele'ele i tagata maualalo o le sosaiete e galulue ai mai iā latou e maualuluga a le sosaiete. A faia se taua o nei tagata o le a fai ma tagata tau a le au maualuluga. O nei faiga sa galueaina i sosaiete fa'alaua'itele ua fa'amalosia ai le fa'alelaolagi a suli a le Ekalesia. O le mamao o le vā o tagata ma faife'au ua tuputupu a'e.

I le vaitau o le Tausaga Ogototonu, ae maise lava le pulega a tupu Kerisiano ma ta'ita'i i Europa, o epikopo ua amata ona avea ma ni tagata taūa fa'aleatunu'u ma masani ona u'uina ni ofisa maualuluga a le malō. O le fa'atulagaina ua fuafua i le paoa o ni mea masani. O faife'au sa sili atu a latou a'oa'oga i lo le tele o tagata ma ua alualu i luma le va'aia ua 'ese latou.

I Tausaga Ogototonu, fa'atosinaga e pei ona faia e Napoleone na va'aia ai le moni o se fa'atulagaga, fa'apea ai ona va'aia le 'ese'esega na faia i le va o faife'au ma tulaga fa'alafu lemū o le olaga. O le ituaiga *ordo clericorum* sa fa'apa'iaina i le malō fa'aleagaga sa i se sitete maualuga i lo le *ordo laicorum*, sa popole i mea fa'alalolagi. O ni manatu 'ese'ese e lua i le va o le pa'ia ma le lē fa'aaloalo o lo'o maua i'inei, ma le fa'au'uina ua manatu i le pa'ia, ma le tagatā lotu ua manatu i le masani. I le i'uga o le seneturi sefulutasi o faife'au ua va'aia o lo'o faia se 'paoa pa'ia', fa'atasi ai ma la latou matafaioi i le fa'amanatuina o le Eukalisitia i lo le faia o se 'au'aunaga i le fa'apotopotoga. A o ulufale atu le Ekalesia i le seneturi 20 o le 'ese'esega i le va o le fa'au'uina ma le tagatā lotu ua talia sa 'fa'atuina e Keriso' e ui o molimau fa'atala fa'asolopito e lē o mautinoa.

'Au'aunaga ua toe aumai mai le tulaga o le ositaulaga

E ui i le toe aumaia o le masani po o le tulagā tupu a le au ositaulaga uma ua papatisoina e le Vatikano 11, ma taumafaiga fa'aa'oa'oga e fa'amamafa le matafaioi fai fa'atasi a tagata uma a le Atua, 'o le faiva i le Ekalesia Katoliko ua masani ona o fa'atasi ma i latou ua u'uina ni tulaga ma tofiga i le Ekalesia, aemaise le au fa'au'uina.

O tagata uma e mafai ona vala'auina i le 'au'aunaga, ua foliga mai ai, ae e lē o tagata uma ua vala'auina i le faiva. E masani lava, faiva ua o fa'atasi ma sauniga ma gaiioiga fa'aekalesia ma tua o nei gaiioiga o le galuega a tagatā lotu ua va'aia o la latou fa'aopsetolo. I le tusitusiga *Sacrosanctum Concilium* (SC) faiva ua fa'apea ona fa'atasi ma le 'au fa'au'uina po o latou ua fa'ataunu'uina se matafaioi fa'asauniga e pei o tali Misasa, le aufaitau, le au fai manatu ma tagata o le 'aufaipese (Sc 29).

O le lē manino i a'oa'oga fa'apule i faiva

Ae ui i lea, e lē lava le fa'aogaina o lenei fa'aupuga ma se fa'aogaina lautele o le upu faiva e fa'amatala ai gaiioiga e tele o lo'o faia e latou e le'i fa'au'uina. Na va'aia e Pope Paulo VI tagatā lotu o lo'o fa'atinoina ni 'ituaiga o faiva 'ese'ese e tusa ai ma le kalasia ma le tagata ua fa'atosiga ma fa'aosofiaina ua fiafia le Ali'i e tu'uina mai ia i latou' (*Evangelii Nuntiandi* 73). O ni fa'atonuga fai-fa'atasi mai vaega kuria e valu ua maitauina le vala'au mo tagata ale Atua ina ia fa'atasi atu i le misiona a le Ekalesia 'e ala i le fa'atulagaina malosi o se tu'ufa'atasia fa'atulagaina e pei ona faia ma a latou 'au'aunaga 'ese'ese ma uiga matagofie. I lenei auala tagatā lotu ua fa'aauau le tala'iga ma le 'au'aunaga a Keriso, o ia o le puna'oa o 'au'aunaga uma. Ae ui i lea, o fa'atonuga ua fa'apea fo'i ona fa'ailoa mai o le 'au'aunaga fa'ailoga ua va'aia lona uiga atoa pe a fa'asino i le au fa'au'uina. O fa'atonuga ua fa'ailoa mai ai 'galuega tau'ave' ua aua'i i le au fa'atuatua lotu ae ua fīnau mai o le fa'aupuga 'au'aunaga ua fa'aoga na o latou 'ofisa' ua tu'uina atu i ai le fa'atuatuga a le Ekalesia.

I lana apoapoa'iga e uiga i le au fa'atuatua lotu, na fa'amanino mai e Pope Ioane Paulo II le 'ese'esega i le va o le 'au fa'au'u ma le au fa'atuatua lotu ae na fa'amamafa mai e tatau ona i ai se fa'aaloalo mo 'isi 'au'aunaga, ofisa ma matafaioi i totonu o le Ekalesia, o lo'o mau a'a i Sakalameta o le Papatisoga ma le Kofilimasio' (CL 23). I lana tusitusiga *Novo Millennio Ineunte* (MI) sa ia fautuaina ai i si 'au'aunaga 'ese'ese ua sili atu, e mafai ona 'fa'avaeina aloa'ia' pe na ona maitauina'. Ua ia va'aia le olaola o nei 'au'aunaga e lelei mo le fa'apotopotoga atoa 'lagolagoina malosi ai ona mana'oga uma'. Ua ia fa'ailoaina fa'atasi ma nei mana'oga e lē gata na o le kapite ma sauniga ae fa'apea le 'a'oa'oina o le au talavou ma 'galuega alofa' (MI 46)

Auaunaga fa'apitoa ma le lautele

Ona o ni finauga fa'aleatamai e uiga i le natura o 'au'aunaga Kerisiano ma le foliga mai e lē manino a'oa'oga a le Ekalesia pe fa'apefa la tatou va'ai i 'au'aunaga? I le sa'ilia o se malamlama lelei i le uiga o 'auaunaga' e mafai ona va'aia tusitusiga mai Epikopo Katoliko a le Koneferenisi a Enelagi ma Ualesi i le 'au'aunaga fai fa'atasi ua ta'ua *O Le Fa'ailoga Ua Tatou Avatua*. I lenei tusitusiga, ua maitauina e epikopo le fa'aupuga faiva ua fa'aogaina i le tomanatuga fa'alafulemū ma le fa'atelosia talu mai le Vatikano II ma e lē faigofie lenā ona fa'augaina. O le 'alo 'ese mai le lavelave, o le CBCEW ua ofoina mai ni va'aiga se lua, ua fesoasaoi tele i lenei talanoaga. Muamua, faiva ua malamlalamaina lelei o se 'au'aunaga ua fa'avae i le papatisoga ma le kofilimasio ua vala'auina uma ai i tatou. I se isi fa'aupuga, ua iā i latou uma ua 'avea ma suli atoatoa a le Ekalesia. Faiva o se auala ua fa'aalia ai e le au papatisoina la latou fa'aso'o'ina i vaega 'ese'ese o a latou olaga. Lua o epikopo ua fa'aogaina le fa'aupuga 'au'aunaga e fa'asino i matafaioi fa'apitoa po o gaiioiga ua vala'auina ai tagata e le Ekalesia ma ua latou tau'aveina mo le tino atoa. Fa'atasi ai ma latou nei ua fa'ailoa manino mai ai 'au'aunaga fa'apitoa a le Komunio Pa'ia, faia'oga kapite ma latou ua folafolaina le Upu, ma fa'apea faia'oga.

O 'au'aunaga fa'alafulemū a le ekalesia

Ua fa'amanino lelei mai e epikopo le 'ese'esega i le va o faiva fa'au'uina ma le faiva lē fa'au'uina. Na mulimulita'i e le konoferenisi a epikopo ale Unaitesetete a Amerika Sagato Pope Ioane Paulo II i le fa'ailoa mai o le autū o 'au'aunaga fa'alafulemū o le fa'alelalolagi (CL 15). Ua latou popole i le fa'augaina o le va'aiga fa'alalolagi a Kerisano i aganu'u o a latou aso. Ae ui i lea, o le USCCB ua fa'apea ona latou taliaina o tagatā lotu ua fa'atinoina nisi o 'au'aunaga, ofisa ma matafaioi e lē mana'omiaina le fa'au'uina ae ua i ai a latou fa'avae i Sakalameta o le Fa'a'aulufale ma le Fa'aipoipoiga. O le fa'apotopotoga a Epikopo a Amerika ua fa'aogaina le fa'aupuga 'au'aunaga fa'aekalesia a tagatā lotu' e fa'amatala ai ni matafaioi ae ua fa'amanino mai e lē o le igoa lenei mo tulaga fa'apitoa. Ua latou fa'ailoa mai ai fo'i o lenei ua faia ma sui o se moni ua 'atina'e ma

‘Au’aunaga Fa’alafulemū: o se moni ua tuputupu ma atina’e

olaola.

Fa’ai’uga

E itiiti lava le masalosalo o le au papatiso uma ua vala’auina i le *diakonia*, malamalamaina o se ‘au’aunaga, ae ole faiva ua fa’aogaina tele e fa’ailoa ai matafaioi ua a’afia ai le a’oa’oina, ta’utinoga ma le fa’ailoga e le Ekalesia. I le i ai o nei tulaga, ‘faiva fa’alafu lemū o se fa’aupuga ua fa’atulafonoina ma o se tasi o le a tatou masani tele i ai.

Vaiaso Sa Sefuluvalu o le Tausaga

I le aso na mulimuli mai le vavega o falaoa ma i’a, sa lolofi mai le motu o tagata i le fia fa’alogologo i lo tatou Ali’i. O tagata, na manino le ofo i mea na tutupu ua toe o mai e mulimuli iā te ia. Sa latou manatu e mafai e ia ona avatu ni mea’ai ma fa’amalieina o latou mana’oga i mea fa’aletino ma fu-afuaga, e aunoa ma ni taumafaiga a latou lava. O le uiga loloto o nei mea na tutupu – o lona taūa fa’aleagaga – na latou lē malamalama ‘atoatoa i ai. Sa lē malamalama po o ā mea o lo’o talanoa mai ai ma sa lē maitauina o Iesu o le fa’ailoga o le afio ai o le Atua, ma i latou. Sa a’oa’oina i latou e Iesu ma fai atu: ‘E moni, e moni, ‘ou te fai atu iā te outou, e le’i sa’ili mai outou iā te a’u, auā na outou va’ai mai i fa’ailoga, ae peita’i ua outou ‘a’ai i areto, ma outou mā’o’ona ai.’ O lenei galala mo mea’ai o se taimi fa’atulagaina mo Iesu e amata ai ana a’oa’oga e uiga i le galala loloto o tatou uma mo se mea e sili atu i lo le mea’ai fa’aletino.

O tatou uma o lo’o i ai nei i se lalolagi o lo’o matua’i manatu po o le ā le mea ua sesē i ana miti. O lo’o si’osi’omia i tatou i se popolega mo ‘oa fa’aletino. Ua fa’amautinoa mai e tala tusia o le fa’anaunauta’iga a le loto e mafai ona fa’amalieina e fa’amalumaluga fa’afa’ailoga ma fiafiaga a le sosaiete a tagata fa’atau. O le fa’amalieina ua pu’upu’u e ui i lea. O mana’oga fou ua fausia ina ua ausia vaega tuai, o le gaogaosā ua sosolo mai ma le sa’ilia o le fiafia ua toe amata.

12

A o tatou fa’alogologo i upu a Iesu mai le evagelia o lenei taeao ua tatou maitauina ai o mea’ai ua na o ni mea’ai masani ma a tatou manana’o tele ina ia ola, o sē e sili atu ona mana’omia. O lo’o i ai le isi ituaiga o mea’ai ua mana’omiaina e le loto o le tagata, ona o lo’o i ai isi o lo’o i ai isi galala e mana’omia ona tatou fa’amalieina. I le loloto i totonu o tatou ta’ito’atasi o lo’o i ai se galala e alofa atu ma alofaina mai, ina ia lagonaina ma talisapaia ma o lona maualuga lava ia iloa o lo’o i ai se uiga ma se taūa e fa’avaivai i o tatou olaga. O galala nei o le loto ma naunauta’iga o le agaga o lo’o mana’o Iesu iā i tatou ina ia maitauina ma ua na o ia e mafai ona fa’amalieina. I lenei loloto o la tatou galala mo le Atua.

O tatou uma ua i lenei tala ina ia pā’ia o tatou olaga fa’aletagata. Fa’agaioi solo e pei ona i ai e o tatou mana’oga fa’aletagata, o lo’o tatou i ai pea i le fa’aletonu o le mou atu o a tatou tofo mo mea’ai o le fa’amālosiina ai o tatou agaga. Ua talanoa mai Iesu iā i tatou ma fesiligia i tatou, po o tatou galala ma fia inu mo mea ua ia ofoina mai iā i tatou? O fea o i ai o tatou naunauta’iga ma fa’anaunauga moni? Ua ia vala’au mai iā i tatou ina ia galulue malosi e talia le falaoa o ia lava lea, e pei ona tatou galulue masani ai mo le falaoa e lē umi. O le mea lea, o le a tatou lē maitauina le mea o lo’o tatou taumafai atu i ai, ma oti e aunoa ma le iloaina le maualuga o tatou fa’aleagaga. ‘O matou loto ua faia mo ‘oe, Le Atua e, ma e lē malolō se’ia latou malolō iā te ‘oe.’ O lenei lalolagi ua tumu i tagata ua fa’aalu o latou olaga ma le leai o se tapasaina i le sa’ilia o le fiafia ma le olioli i auala sesē.

Vaiasosa Sefuluiva o le Tausaga

Ua tatou iloaina le mea o lo’o talanoa mai ai Elia ina ua ia fai mai: Le Ali’i e, sōia; ia e ‘ave’ese lo’u ola, auā e lē sili ona lelei o a’u i o’u tamā.’ Mafatia ma le loto vaivai i lana malaga i le vaomatua, ua ia taunu’u i le i’uga o lana maea. I le maualalo o lona tamali’i’aga, o se agelu a le Atua ua sau i lona fa’asa’olotina ma fafaga iā te ia i mea’ai fa’avavega – o se falaoa ma se siā vai. O ona fa’amoemoega vaivai ua toe aumaia e lenei falaoa mai le lagi ma ua ia fa’aauai ai lana faigamalaga i le mauga pa’ia o Horepa, le nofoaga sa ia taliaina ai se va’aiga fou o le Atua i se va’aiga o se savili malū. O lenei na avatu ai iā te ia se va’aiga fou o le Atua i se va’aiga o se savili malū. O lenei na avatu ai iā te ia se loto tele ma le fa’atuatuaga fou e savali atu ai ma feagai atu i lu’itau o le isi aso.

Vaiaso Sa Sefuluvalu o le Tausaga

I le tele o taimi, o ā tatou taimi fa'aletonu ua tatou manatu ai e fai atu fa'atasi ma Elia, 'Le Ali'i e, ua lava lea.' O le olaga Kerisiano e lē o se alualu lelei ma e masani ona tatou mauaina i tatou lava ua vaivai ma mafatia i mea e tutupu ua sau iā i tatou. Tu'ua na o tatou ua tatou lē mauaina le mala-malama i le i'uga o le ala aga'i atu i totonu o le mauga. Ina ia alualu pea ua tatou mana'omiaina se fa'amautinoa e lē na o tatou i o tatou olaga ma o le Atua o lo'o fa'atasi ma i tatou, fesoasaoni iā i tatou i le tauavea o a tatou koluse, fa'asa'olotoina i tatou mai fa'alavelave matuiā ua a'afia ai i tatou. Ua fa'asino mai e le evagelia o lo'o i ai le fesoasaoni fa'apenei iā Iesu o le Falaoa o le Ola. Ua ia au-maia iā i tatou ta'ito'atasi mea ua tatou mana'omiaina ina ia fafaga ai i tatou i la tatou faigamalaga atu i le Atua. O Iesu o le falaoa fa'alelagi, vaila'au mo agaga mama'i, mea'ai mo le agaga fa'amanu'aina, malamalama ma le malosi mo le mafaufau vaivai, le puna'oa mo le fou ma le ola e fa'avavau, o lona i ai ma le mana ua fa'amalosia ai i tatou. O ia o le Falaoa ola ua sau mai le lagi, o le puna'oa uiga'ese o le ola.

E mafai ona tatou va'ava'ai i o tatou olaga ma tu'ufesili iā i tatou lava po o tatou fia 'a'ai mo Keriso o lē o le Falaoa o le ola? O le sau iā Keriso e mana'omia le sili atu i lo le savali fa'ale vaiaso i le aletale e talia le Komunio Pa'ia. Afai ua fa'aavanoa mai e Iesu o ia lava iā i tatou ona tataua lea ona tatou faia i tatou ina i ai iā te ia. I le aga'i atu i le aletale ma le faitio, po ma le loto ua tumu i le ita ona o tigā na faia iā i tatou, e lē o se fa'asoa moni lea i le eukalisitia. E leai se auala e mafai ona tatou ofoina atu ai i tatou lava i le Atua ma le lē taumafai ma alofa atu i o tatou tuā'oi ua faia ni uiga leaga iā i tatou i le vaiaso. I o tatou olaga masani o le vaiaso ua fesiligia i tatou ina ia fa'amagalo atu, ina ia sopoia fa'aletonu, ina ia malamalama le fa'aletonu o fa'auō, ma aua ne'i tapunia o tatou loto pe a fa'atigā mai.

I le eukalisitia ua tatou feiloa'i atu ai ile maualuga o le Atua ua fa'agaloina i tatou ma ua talosaga mai i o tatou taimi e avatu ma le sa'olotoga e pei ona tatou taliaina. O le eukalisitia o se avanoa mo le fa'aleleliga, mo manu'aga ma papala tuai ina ia fusifusia ma le fa'amagaloga ia fa'aalia. Mo le Atua ina ia alofa mai iā i tatou e tataua iā i tatou ona taumafai ma alofa atu fo'i.

Vaiaso Luasefulu o le Tausaga

E mafai ona tatou sesē i le mafaufauina ua pau le vaega taūa o le taumafa o mea'ai ua fa'aolaina ai o tatou tino ma ponaivi, ae o lo'o i ai se taūa loloto i lea vaega i lo lenā. O le mea ua noanoatia ai tagata o le talanoaga ma le fiafia a o faia le taumafataga, ua fa'afouina ai le loto ma fa'apea ona fausia ai faigauō. E le'i 'ese mai ma Iesu. I le Tausama'aga Mulimuli o lona alofa ma lana fa'auō le anoanoa'i a o ia fa'ailoa atu i ana aposetolo pe fa'apefea ona avea i latou ma uso, le tasi i le isi. E leai se 'ese'ese ma Iesu. O taimi uma tatou te o mai fa'atasi ai e patipatia le eukalisitia ua tatou toe fa'aolaina mai le mea na tupu. Ua tatou feiloa'i atu iā Iesu o lō tatou uso ma le Fa'aola ma talia le ola fa'asoaina o le Atua lava ia. O le evagelia o le asō ua ta'u maia ma le manino iā i tatou ua ofoina mai e Iesu lona Tino ma lona Toto o ni mea'ai tataua fa'aleagaga mo la tatou faigamalaga i lenei olaga ma ua ia lapata'ia i tatou i ni taunu'uga i le lē taliaina o le mealofa. 'Afai tou te lē 'a'ai i le tino o le Atali'i o le tagata, a lē inu fo'i i lona toto, ua lē i totonu iā te outou le ola.'

Ua fa'amanatu mai iā i tatou i lenei taeao le vālalata o le tu'ufa'atasia ua vala'uina ai i tatou e Keriso i taimi uma e patipatia ai le eukalisitia. O se tu'ufa'atasia ua pā'ia i lona fa'ataunu'uga i le fa'avavau. Ua ofoina mai e Iesu se ola e lē tupu ina ia matua ae o le a tumau ai e fa'avavau. I le eukalisitia ua ofoina mai iā i tatou le ola ua fa'asoa e Iesu ma le Atua le Tamā. E lē o afio ai Keriso iā tatou aletale ona o a tatou tapua'iga ma vi'ivi'iga. Ua afio ai o ia ina ia mafai ona tatou fa'atasi ma ia atoatoa. O la tatou patipatia ma le taliaina o le eukalisitia e mafai ona avea ma se tauvaga pe a lē fa'amuta i se itula i le falesa i se taeao o le aso Sa ma lē tafe atu i vaega uma o tatou olaga. Vaganā o tatou o ni vaega o mea ua tatou faia ma fa'alatalata atu o tatou loto o ni vaega o mea ua tatou faia ma tu'uina atu o tatou loto fa'alatalata ma avea e pei o Keriso o la tatou i'uga o le a ta'ita'ia tatou i se olaga fa'apaupau ua a'afia i faiga kerisiano fa'apitoa. O le taliaina o le eukalisitia ua leai sona uiga ma leai se aogā pe afai tatou te lē ola ai i mea ua tatou patipatia. E tataua ona tatou ave la tatou tali-tonuga i fafo atu o falesa ma aumai i le nofoaga faitele. Mo se fa'ata'ita'iga e leai se uiga i le tautala e uiga i le alofa e aunoa ma le faia o se taumafaiga e fa'asalalau atu ai.

I le i'uga o le Misasa ua auina atu i tatou e 'au'auna i le Ali'i i nofoaga ua tatou aumai ai ma galulue ai o ni tagata o lo'o tauavea Keriso ma ola ai lona olaga, faia Iesu o lo'o afio ai i se lalolagi ua fa'an-

Vaiaso Sa Sefuluvalu o le Tausaga

anāina o ia. O le asō, tatou fa'afetai atu i le Atua i se auala fa'apitoa mo le mealofa sili o lona Alo o lo'o fa'atasi ma i tatou ma ta'ita'ia i tatou i le Atua lo tatou Tamā. O gaioiga uma, o upu uma, o mafaufauga uma tu'uina atu i le aletale a Keriso ua lelei ai le lalolagi. E aunoa ma le fo'i so'o atu i le Falaoa o le Ola, o le a lē mafai ona tatou faia ina ia ola pea le Agaga a Keriso i o tatou loto.

Vaiaso Luasefulutasi o le Tausaga

O le fa'ailoaina mai e Iesu o ia o le Falaoa ola na sau mai le lagi ma le punavai o le ola e fa'avavau, ua fa'amaonia ua fai sina telē ma maua luga mo nisi o latou sa mulimuli atu iā te ia. Sa latou lē talitonu i se mau fa'apea ma na amata ai ona moumou malie atu isi. O se gagana e lē ma tau'ave ma sa latou lē toe manana'o e savavali fa'atasi ma ia. E lē gata e le'i fa'ate'ia pe na lē fiafia o ia iā latou uiga, e le'i toe fa'afetai mai e Iesu se mea sa ia fai atu ai pe na taumafai ina faia ana a'oa'oga ina ia talia. O le māvaemaveaina o ala. Sa ia liliu atu i ona so'o ma fai atu: 'Tou te savali 'ese fo'i ma outou?' O taimi tonu nei o fa'alavelave, o le tula'i ma ia faitauina. O le mea o lo'o mana'o ai Iesu mai iā i latou e lē o le malamalama, ae o le fa'atuatua iā te ia. Ua leai se mea ua mafai ai ona latou faia se filifiliga o le 'au ai po o le te'ea o Iesu. Na tautala atu Peteru mo latou uma: "Le Ali'i e, a matou o 'ea iā te ai? O iā te 'oe upu o le ola e fa'avavau."

O le mea la na tupu o lo'o tupu pea. O tatou, i o tatou augatupulaga ua feagai atu ma se filifiliga ia faia e uiga i le mulimuli i lo tatou Ali'i – tatou te tumau pea pe tatou te savavali 'ese atu? O se filifiliga mata'utia lenei ua feagai ma latou uma ua feiloa'i ma Iesu. Pe latou te mulimuli atu iā te ia e aunoa ma ni tu'utu'uga pe leai, e leai se isi ua fa'amalosia ona o Iesu e fa'aaloalo i o tatou sa'olotoga. O a tatou folafolaga i le papatisoga ua fa'apea ona tu'uina mai lenei fesili iā i tatou. O ai tatou te manana'o e 'au'auna atu i ai? Ua lē na o se mataupu o le talia o ni talitonuga e moni ae ua 'a'afia ai le ta'utinoga fa'aletagata i le tulaga o le loto ma le mafaufau ina ia ola ai tulaga fa'atāuaina a Keriso. O le faitalia fa'aletagata e 'auai iā Iesu e lē afaina po o fea e aga'i i ai le olaga o lo'o i le ogatotonu a lo tatou fa'atuatua; ma o se tauiviga o lo'o faifai pea. E faigofie lava mo tatou ona fetu'utu'una'i a tatou filifiliga ma āiāi mai a'oa'oga a Keriso mea ua talafeagai ma i tatou; o le Atua e lē masani ona tali mai iā tatou manatu o ia po o le ā sō tatou manatu mo ia. Ua vala'auina i tatou e Keriso ina ia tu'uina atu i tatou ma le fa'atuatua iā te ia ma mulimuli atu iā te ia i le ala aga'i atu i le Tamā. O lona uiga o le a'oa'oina ina ia fa'amoemoe i le Atua i lo tatou lava pe fa'aletonu le ala i luma ma le malamalama ua fa'aitiitia.

O le to'atele o i tatou ua i ai le masalosalo ma ua feagai atu ma faigatā e uiga i lo tatou fa'atuatua ae, e pei o Peteru, o le a tatou leiloa atu e aunoa ma lea. I le Misasa o le asō, ua toe vala'au mai Keriso iā i tatou ina ia ave ma latou ua mulimuli atu iā te ia ma le fa'atuatua ma fa'asoa lana galuega i tagata. Se'i o tatou toe faia le tali a Peteru mai le loloto o tatou loto: Le Ali'i e, o fea 'ea a matou o i ai? Ua matou talitonu o lo'o iā te 'oe le fe'au o le ola e fa'avavau.'

Faitauga mo le Masina o Aukuso – 2024

Aso 4 Aukuso Vaiaso Sefuluvalu Taimi Masani – Faitauga muamua Esoto 16: 2 – 4, 12 – 15. Matua: Ou te fa'atotoina ifo le mea e 'ai mai le lagi mā outou.

Salamo 78: 3 – 4 (tali), 23 – 24 (tali), 25, 54 (tali). Tali: Na avatua e le Ali'i iā te i latou o mea e 'ai mai le lagi.

Faitauga Lona Lua – Efeso 4: 17, 20 – 24. Matua: Ia 'o'ofu outou i le tagata fou ua faia e foliga i le Atua.

Faitauga mo le Masina o Aukuso – 2024

Aleluia, Aleluia... O a'u nei le ala, ma le upu moni, ma le ola; e lē alu atu lava se tasi i le Tamā, pe a lē ui mai iā te a'u...Aleluia.

Evagelia – Ioane 6: 24 – 35. Matua: O lē sau iā te a'u, e lē fia 'ai lava ia; o lē fa'atuafo'ia iā te a'u, e lē toe fia inu lava ia.

Tofitofiga o le Upu:

E faigofie ona malamlamaina e le au ulua'i Eperu i le manana'o e malaga atu i Aikupito fa'avavevave. Sa fa'auō i ai le au Aikupito i le amataga i le au Eperu, sa o mai e su'e mea'ai; ae o le taimi ina ua tula'i mai Iosefo o se Eperu i le tofi "Sui Peresetene" a Aikupito. O la latou tulaga fa'aeaeaina na uma ina ua maliu Iosefo, ma sa latou avatu ni galuega fai fa'amalosi mo le fausiaina o poloketi. O la latou tulaga ua tutusa ma tagata faifa'ato'aga Aikupito. O tagata Eperu na avatu i ai mea'ai lelei, nofoaga e malolo i ai ma le saogalemū, ae o latou olaga na itiiti le fa'apalepale ona sa leai so latou sa'olotoga. I le uma ai o augatupulaga o le saisaitia, o Mose, lē na finau mo le sa'olotoga, na sau ma ta'ita'i ona tagata mai le fa'apologaina, faia ni fa'aailoga uiga 'ese ma le matagofie ina ia ausia ai lenei fa'amoemoe.

O le faitauga o le asō mai le Esoto ua toe aumaia le tala i le fāsefulu tausaga a o aga'i atu i o latou aiga. O lenei ua latou tali atu iā Iōva i lo Faraο, ona o lenei ua latou sa'oloto. Ua lē toe i ai ni sasa e fa'amalosi ai i latou i le fausiaina o pa piliki. Sa'olotoga, e ui i lea, e i ai lona tau. Sa latou totogi atu i le savalia o le toafa, malolō i le nofoaga tatala ma 'a'ai i mea'ai e lē tutusa ma mea'ai i Aukupito. Ona o le sa'olotoga e le'i ausia ai le fiafia sa mafauauina, sa latou tu'ua'ia Mose mo le aumaia o latou aga'i atu i le toafa e malilili ai. O mana'oga ua fa'aleo tele mai ina ia toe fo'i atu i Aikupito, le nofoaga e ui o le a leai se sa'olotoga, ae o le a maua se nofoaga e mapu atu i ai ma ni mea'ai lelei. Sa tatalo Mose i le Atua, o lē na auina mai ni mea'ai i aso ta'itasi ma le mana e taofiofi mai ai i latou i le toe fia fo'i i Aikupito.

E i ai se uiga malosi i le natura o le tagata e toe fo'i pe a feagai atu i faigatā. E masani o a tatou fa'amoemoega sa mamao tele, ma le tele o fa'afitauli o lo'o i le ala. I le uma ai o se taumafaiga amata, e masani ona fa'avaivai loto ma manana'o e toe fo'i i tua.

Atonu tatou te lē mauaina le filemū ma le fa'ataunu'uina i le fa'alelotu, pe afai tatou te matata'u e gaiōi 'ese mai i faiga tuai mo ni faiga fou. E taūa le 'aua ne'i fa'atusaina le *fou* ma le *sesē* (po le *tuai* ma le *lelei*). E itiiti mea i lenei lalolagi e manino lelei mai. O le to'atele e lē fiafia i suiga, ae fiafia i le alualu i luma; ae e leai se alualu i luma e aunoa ma ni suiga, O le au Eperu sa tomumu ua na ona 'a'ai i falaoa a Aikupito ma e lē malamalama i le lelei po o le sili atu o le falaoa i Isaraelu. O le toe fo'i i Aikupito o se gaiōiga sesē, ona e lē umi ae o le a latou toe tagi i le leai o se sa'olotoga.

O le manatu o le olaga ua sili o lo'o i taimi ua tuana'i e fa'avalevave. E lē tele ni fa'amatalaga mo le atamai o lau fanau. E tatau ona tatou fa'aioaina ma talisapaia le taimi ua tuana'i. Ae e pei o le Mose na asā le ala, e tatau ona tatou aga'i pea i luma, i le fa'amoemoe atoatoa mo mea lelei o lo'o fa'atalitali mai. I le fa'alava o toafa, o mauga ma tausaga, ua tatou fa'amoemoe ina ia maua lo tatou aiga i le lagi. O lo'o i luga i luma atu – e lē o i tua. O le Eukalisitia, o la tatou manai mai le lagi, o le malosi mo le malaga umi.

Aso11 Aukuso Aso Sa Sefuluiva Taimi Masani – 1 Tupu 19: 4 – 8. Matua: Ua alu ia i le malosi ona o lea mea na 'ai, ua o'o lava i le mauga o le Atua.

Salamo 34: 1 – 2 (tali), 3 – 4 (tali), 5 – 6 (tali), 7 – 8 (tali). Tali: Inā tofotofo ia outou, ma ia outou iloa e lelei le Ali'i.

Faitauga Lona Lua – Efeso 4: 30 – 32; 5: 1 – 12. Matua: Ia outou savavali i le alofa, fa'apei o Keriso.

Aleluia, Aleluia... O a'u nei le ala, ma le upu moni, ma le ola; e lē alu atu lava se tasi i le Tamā, pe a lē ui mai iā te a'u...Aleluia.

Evagelia – Ioane 6: 41 – 51. Matua: O a'u le areto ola na alu ifo mai le lagi.

Tofitofiga o le Upu:

Faitauga mo le Masina o Aukuso – 2024

O Elia, le perofeta ‘a’asa o le seneturi 9 i luma mai o Keriso, sa fa’amaonia lona lelei i le fa’asa’osa’oina o tupu, manumalō i perofeta pepelo ma toe fa’atuina mai latou na maliliu i le ola. Sa alofagia o ia e le tagata masani, ae fefefe ai le au maualuluga ma o se fa’auō mafana a lona Atua. O ai se isi ua sili atu lona mafua’aga e fa’amoemoe ai, mafanafana ma fiafia?

O faitauga o le asō mai le Tusi Muamua a Tupu ua fa’aalia mai ai o Elia i se tulaga o le fa’aletonu tele, ona o ia o le tagata na ‘a’afia i fa’aletonu uma o a tatou masani ia. Ua fa’alogoia le tia’iina o ia e le Atua ma inoino i tagata ma le olaga lava ia. Na musu e ‘ai, ma fealua’i lē tapasāina, sa ia aga’i atu i le toafa. O i’ina o le mamafa o le puapuagā ma le mafatiaga na mafua ai ona pa’ū ma pa’ū ai i lalo o le la’au o le ratami, i se tulaga o le matapogia.

O fa’afitauli fa’aletagata, popolega ma le loto vaivai e mafai ona fa’aitiitia ai le tagata malosi aga’i atu i le lē mautonu. E lē afaina tele pe o se tasi o se ta’ita’i fa’alelotu, e pei o Elia, po e leai fo’i se talitonuga fa’alelotu.

O le tigā o le olaga ua pa’i atu i tagata pa’ia ma le au agasala, mau’oa ma le mativa. E leai se tui e puipuia mai ai tatou i le tulaga faigatā.

Ae e i ai le fa’amoemoe. O se Agelu a le Ali’i ua va’aia le perofeta i lona tulaga fa’anoanoa ma fesoasoani atu i ai, aumai i ai mea’ai ma vai inu.

Na toe fo’i mai fa’alua le agelu ma fesoasoani atu iā te ia e fa’aauau lana malaga.

O tatou fo’i e mafai ona avea ma agelu ‘au’auna i se tasi o lo’o fa’aletonu lona aso, i le aumaia o le malamalama’aga ma le fa’amalosi’au iā i latou. E taūa tele fo’i le iloaina e i ai se aso o tatou fo’i o le a mana’omiaina le alofa ma se manatu mai a se isi, ona o tagata uma lava e i ai so latou avanoa i lalo o le la’au o le ratami.

16

E taumafai le Ekalesia e avea, e avea ma agelu ‘au’auna i tagata puapuagatia e ala i sakalameta. Fa’amagaloga ua si’iina i tatou i o tatou vae a o le mea’ai o le Eukalisitia ua toe fa’aolaolaina o tatou malosi. Ua vala’au mai Iesu i le Evagelia o le asō, “o a’u o le areto ola,” ua fai mai a e ‘ai i ai e te lē oti lava. O le Eukalisitia o Iesu le falaoa ola, alu atu e pei ona ia faia i Kalilaia, e toe fa’afouina olaga o le au lē mautonu ma latou e nonofo ta’ito’atasi.

E o mai tagata i le falesā i le tele o fuafuaga o latou mafaufau. O nisi e fiafia, o isi e gaogao ma fa’aletonu. O se tasi ua i ai se va’aiga fa’amoemoe mo taeao; o isi ua a’afia i le nofosala ma le popolevale. O le fa’apotopotoga ua talitonu, o le mea lea, e tatau ona avea o ni agelu fa’auō ua ‘au’auna i le fa’asoa atu, fa’alogo ma talia isi, ina ia ‘aua ne’i i ai nisi e sāvali ‘ese atu.

O lo’o tele le fesoasoani i le ala mo latou ua i ai le mana’omia. Fa’atasi ai ma le anoanoa’i o kalasia mai le Atua ma se fesoasoani itiiti mai au fa’auō, e mafai ona e tu’ua le ratami ma a’ea le mauga ale Ali’i.

Aso 18 Aukuso Aso Sa Luasefulu Taimi Masani – Fa’ata’oto 9: 1 – 6. Matua: Inā ‘a’ai i la’u areto, ma inu i la’u uaina ua ou suia.

Salamo 34: 1 – 2 (tali), 9 – 10 (tali), 11 – 12 (tali), 13 – 14 (tali). Tali: Inā tofotofo ia outou, ma ia outou iloa e lelei le Ali’i.

Faitauga Lona Lua – Efeso 5: 15 – 20. Matua: Ia outou iloa le finagalo o le Ali’i.

Alelulia, Aleluia... O a’u le areto ola na alu ifo mai le lagi; pe a ‘ai se tasi i lenā areto, ona ola ai lea o ia e fa’avavau... Aleluia.

Evagelia – Ioane 6: 51 – 58. Matua: O lo’u tino o le mea e ‘ai moni lea, o lo’u toto fo’i o le mea e inu moni lea.

Tofitofiga o le Upu:

“O le faigatā ia ona talitonuina mea ua a’oa’oina mai e le Ekalesia Katoliko,” o se upu lea mai se teine e 18 tausaga. Ua iloaina o lo’o i ai se mea fa’apitoa i lona mafaufau, o le mea lea na fa’atalitali ma le

Faitauga mo le Masina o Aukuso – 2024

onosa'i le faia'oga mo ia e fa'aauau, "E pei o le falaoa, ua e iloa, o le tino o Keriso. Ua ou iloaina o Iesu ae... e faigatā ona fa'amatalaina. Ua outou iloa le uiga o la'u tala"? Tatou te iloaina le uiga o lana tala, ona tatou te lē malamalama lelei fo'i i le a'oa'oga o le Afio Moni ai mo le tele o tausaga ma o lo'o fa'apena lava i aso nei. Ae ua sauni e fa'alogo, o le mea lea e tataua ona tomanatu leo tele o tatou mafauauga i le Eukalisitia pa'ia.

O le tino o Keriso o lo'o i le falaoa o Lona Tino - Toetū – i le mae'a o le Toetu po o le tino fa'apa'iaina. E lē o afio ai Iesu i le Eukalisitia ma le tino o ponāivi, pa'u ma le 'a'ano sa ia taliaina mai Lona Tinā. O lo'o i ai i'ina i Lona TINO TOETU, fa'apa'iaina e Lona Tamā ina ua ia toetū mai le tu'ugamau. O le tino e mafai ona gaiou vave mai le tasi nofoaga i le isi, e lē mana'omiaina ni mea'ai po se moe, ua pasi atu i faitoto'a ua lokaina potu i luga e aunoa ma le tatalaina.

O lo'o i ai Keriso i isi auala i Misasa: i upu a le Tusi Pa'ia, i taimi o le leai o se pisa, i pese lotu ma tatalo. O lo'o afio i lima laiti o pepe, i mata fa'anefu a se ali'i toea'ina ma i le fa'aailoga o le filemū. I le Eukalisitia Paia, e ui i lea, o lo'o afio ai o ia i se auala uiga 'ese. A tatou aga'i atu i le aletale e talia le tino a Keriso, ua tatou maua le fa'ata'ita'iga matalasi o Lona afio tumau ai ma i tatou.

O faitauga mai ia Ioane i le asō, mai lana mataupu 6 fa'aeukalisitia, ua toe aumai ai upu a Iesu: O a'u o le falaoa ola... o le falaoa ou te avatua o Lo'u tino mo le ola i le lalolagi. O lenei faitauga o lo'o tumu i manatu i se olaga fou. O le falaoa fou ua folafolaina mai e Iesu o se tomanatu manino lelei o Lona soifuaga toetū. O lenei e lē toe maliu, ma o latou e 'a'ai i lenei falaoa a le Keriso toetū, o le a pei o ia, ola e fa'avavau. E fa'apea fo'i ona moni i le toto a Keriso.

A fevaevae'ai le toto ma le tino, ua tatou i ai i le oti. O le fevaevae'eseina o le tino ma le toto misitelio a Keriso i luga o le aletale o se fa'amanatuga o Lona maliu. O la tatou taliaina o le Eukalisitia o le fa'aailoga atoatoa o le olaga fou na folafolaina mai e Iesu iā i tatou.

O le faitauga muamua mai le Fa'ata'oto i le asō ua va'aia le Poto ua vala'auina ai i latou e mulimuli iā te ia: O mai, inā 'a'ai la'u areto ma inu i la'u uaina ua ou suia." Ua tatou mauaina fo'i se vala'ulia fa'apea i le Eukalisitia Pa'ia, ma a o tatou o mai i le Komunio ua fa'apea ona vala'auina i tatou ina ia "o atu i le ala o le malamalama'aga."

O le Misasa o le fa'amanatuga o le taūa o le olaga. O se toe faia o le sauniga sa faia e le Fa'aola mo tatou ma fa'aauau pea ona faia.

Tatou te ofo atu a tatou fa'afetai mo Lona 'au ai fa'amisitelio ma i tatou i le falaoa o le olaga e fa'avavau.

Aso 25 Aukuso Aso Sa Luasefulutasi Taimi masani – Faitauga muamua: Iosua 24: 1 – 2, 15 – 18. Matua: Matou te 'au'auna i le Ali'i, auā o ia lava lo tatou Atua.

Salamo 34: 1 – 2 (tali), 15 – 16 (tali), 17 – 18 (tali), 19 – 20 (tali) 21 – 22 (tali). Tali: Inā tofotofo ia outou, ma ia outou iloa e lelei le Ali'i.

Faitauga lona lua – Efeso 5: 21 – 32. Matua: O le mea lilo taūa tele lenei e uiga iā Keriso ma le Ekalesia.

Aleluia, Aleluia... Afai e alofa mai se tasi iā te a'u, e tausia e ia la'u upu; e alofa fo'i lo'u Tamā iā te ia; e o mai fo'i i ma'ua iā te ia, matou te nonofo ma ia... Aleluia.

Evangelia – Ioane 6: 60 – 69. Matua: A matou o 'ea iā te ai? O iā te oe upu o le ola e fa'avavau.

Tofitofiga o le Upu:

O le a i ai nisi e lē nofononofo lelei, ni uiga lē fiafia o le a fa'aalia mai le tele o fafine i le falesā i le asō i le fautuaga fa'afa'aipoipoiga a Sagato Paulo: "O outou fafine ia outou usiusita'i iā outou lava tane." O lenei faitauga e masani ona fa'aosofiaina ai tane e lue malosi mai o latou ulu, fa'aailoa mai ai lo latou fa'aaloalo tele mo le tusitusiga pa'ia. O lenei, ma isi tusi e tutusa fa'apea, ua lē maua luga

Faitauga mo le Masina o Aukuso – 2024

ai ni maka a Sagato Paulo mai le anoanoa'i o fafine.

I le malamalama lelei i le mana'omia mo le tutusa ma le manuia lautele ma le mamalu fa'alelagata mo fafine, ua aumai e le Ekalesia o lenei tusitusiga e lē tatau ona ave'eseina, tineia pe fa'alauteleina fo'i. O fafine e ao ona usita'i iā latou tane; ae o ali'i e tatau fo'i ona fa'apea ona gaua'i atu i o latou avā. O le gaua'i o lona uiga o le agalelei pe usita'ia le isi. O le isi ona uiga o le tu'ua o se mea i le faitalalia po o le fa'amasinoga ale isi tagata. O fa'aipoipoiga o se fa'asoa faifa'atasi, o se utaina fai fa'alua o le alofa. O lona uiga o tane ma avā, ona o le natura o la maliliega, e tatau ona usita'ia le tasi i le isi mo le fa'atasiga ina ia onosa'ia.

E mafai ona tatou lē amana'iaina le fautuaga a Paulo ma faia se tulaga e te'ea ai e le avā le gaua'i ma le tane e lē tali atu i ona mana'oga. O se fa'aipoipoiga fa'apea o le a mauaina mai ai na o le fe'ese'esea'iga ma le vailua'i ma maua mai ai se tulaga o le fa'apisipisi o ofisa o fa'amasinoga mo tete'eaga. Ae afai e ta'ito'atasi e mafai ona fa'aaloalo ma le tu'ualalo, ona maua lea o le avanoa e taumafai ai e avatu le alofa, folasaga ma le fa'aaloalo o le tasi i le isi. O fa'aipoipoiga fa'apenei i lona taunu'uga, o le a tapunia ai fale fa'amasino mo ulugali'i tete'a.

Na i ai le isi mea sa fai mai Paulo i lenei faitauga i ali'i fa'aipoipo: O 'outou tane, ia outou alolofa atu iā outou lava avā." O lo'o fa'apea mai fo'i lenei o fafine e tatau ona alolofa atu iā latou tane. Afai o le gaua'i i fa'aipoipoiga e lē o natura o le alofa, o le tu'ufa'atasia o le ulugali'i e lē o se tasi e fiafia.

O fa'aipoipoiga e le'i fuafuaina o se auala poto e itagia ai e le tasi i le isi. Sa fuafuaina e aumaia le atoaga o le olaga ma le fa'aaloalo faifa'atasi. A o fa'aaloalo le Ekalesia iā Keriso ma Keriso e alofa i le Ekalesia, e fa'apea fo'i ona fai mai Sagato Paulo, o avā ma tane e usita'ia ma alofa le tasi i le isi. E lē o se fesili po o ai na faia ia Tulafono ma o ai e usita'ia – o i la'ua uma. O Keriso na maliu mo le Ekalesia ina ia faia o ia e "pa'ia, imakulata e aunoa ma se pispisia po se ma'anuminumi," ua mana'o e ave a o ia ma pologa? E mafai e le Ekalesia ua nofo aitalafu lona ola iā Keriso na lē mafai ona avatu iā ia le alofa tele? O Keriso ma le Ekalesia ua tasi i le mafaufau, loto ma mafua'aga. O Paulo, le A'oa'o i tagata mai Nu'u'ese, ua fai mai o se fa'ata'ita'iga maoa'e ua tatau mo fa'aipoipoiga uma.

O tane e tatau ona gaua'i atu iā outou avā. E pei ona fai mai le Tusi Pa'ia, "O le mea lea e tu'ua ai e le tane o lona tamā ma lona tinā, ae fa'atasi ma lana avā; ona ave a lea o i la'ua o le tino e tasi. O lea e lē toe to'alua ai, a o le tino e tasi i lā'ua; o lenei, o ē ua fa'atasia e le Atua, 'aua ne'i fa'ate'a'eseina e se tagata".

Faitauga mo le Aso 1 Setema Aso Sa Luasefululua muamua Taimi Masani

Faitauga Muamua: Teuterenome 4: 1 – 2, 6 – 8. Matua: 'Aua tou te fa'aopoopo se upu i upu ou te fai atu ai iā te outou; ia outou tausiusi i poloa'iga a le Ali'i.

Salamo 15: 2 – 3 (tali), 4 (tali), 5 (tali). Tali: Le Ali'i e, o ai 'ea e nofo i lou fale fetafa'i?

Faitauga lona lua – Iakopo 1: 17 – 18, 21 – 22, 27. Matua: Ia fai outou ma e 'ana'ana i le upu.

Aleluia, Aleluia...Ua ou ta'ua outou o uō, auā ua ou fa'ailoa atu iā te outou mea uma na ou fa'alogoa ai i lo'u Tamā...Aleluia.

Evangelia – Mareko 7: 1 – 8, 14 – 15, 21 – 23. Matua: Ua 'outou tu'ua le poloa'iga a le Atua, ae taofi i upu tu'u a tagata.

